



PERDANA  
LEADERSHIP  
FOUNDATION  
Y A Y A S A N  
KEPIMPINAN  
P E R D A N A

PERDANA LIBRARY  
PERDANA LEADERSHIP FOUNDATION  
NEWSPAPER CLIPPING

Newspaper	UTUSAN MALAYSIA
Date	17 FEBRUARY 2017

## Jangan perlekeh penerima BR1M

UM - 17/2/2017

**KUALA LUMPUR 16 Feb.** - Datuk Seri Najib Tun Razak meminta pakatan pembangkang berhenti memperlekehkan program Bantuan Rakyat 1Malaysia (BR1M) dengan menyifatkan bantuan kepada rakyat berpendapatan rendah itu sebagai dedak, usaha memancing undi dan rasuah.

Perdana Menteri berkata, pihak pembangkang sepatutnya lebih sensitif terhadap penerima BR1M yang menggunakan bantuan tersebut untuk membeli keperluan harian dan sebagainya.

Menurut beliau, mereka tidak sepatutnya menggunakan bahasa kesat dan mengelirukan serta merendahkan martabat penerima BR1M semata-mata untuk kepentingan politik.

“Berhentilah juga mengatakan saban tahun negara akan muflis, walhal saban tahun juga jumlah BR1M dinaikkan bagi lebih membantu mereka yang memerlukan.

“BR1M adalah bantuan ikhlas Kerajaan kepada mereka yang memerlukan, dan diagihkan mengikut kelayakan serta kriteria yang ditetapkan berdasarkan pendapatan perseorangan atau seisi rumah. BR1M tidak mengira kaum, agama, mahupun pegangan parti politik,” katanya menerusi laman blog *NajibRazak.com* hari ini.

Najib yang juga Menteri Ke-

wangan memberitahu, bayaran pertama bagi penerima BR1M akan mula diagihkan pada 18 Februari ini.

Beliau memberitahu, secara keseluruhan bagi tahun ini, kerajaan menerima sebanyak 8,277,391 permohonan bagi BR1M dan daripada jumlah itu, sebanyak 5,153,238 permohonan telah diluluskan setakat ini dan akan menerima bayaran secara berperingkat.

“Baki permohonan yang belum lulus sebanyak 3,123,950 pula kini berada dalam pemprosesan dan keputusan kelulusan dijangka akan diumumkan pada bulan Mac depan,” jelasnya.

Perdana Menteri berkata, dari segi peringkat umur, kumpulan tertinggi diluluskan adalah daripada golongan 21 hingga 30 tahun serta yang berumur 61 tahun dan ke atas.

“Sebanyak 2,782,799 pemohon akan menerima bantuan RM1200, manakala 243,434 bagi bantuan RM900, dan selebihnya 2,127,005 layak untuk bantuan RM450,” ujamnya.

Menurut beliau, Selangor mencatatkan jumlah kelulusan tertinggi dengan 666,316 permohonan lulus diikuti Sabah dan Sarawak juga menerima kelulusan permohonan yang tinggi dengan masing-masing mencatatkan sebanyak 477,482 dan 537,588 permohonan.